

早
晚
工
課

救世後一千九百三十三年印

早晚工課

北平主教滿准

✿ 吁瑪利亞無原罪之始胎 ✿



✿ 我等奔爾臺前為我等祈 ✿

祈等我為 后之和安

早課小引

早晨初起身時即須感謝天主賜我一夜平安不死又宜求天主指引今日能爲善事不敢犯罪即跪伏天主聖像前畫十字聖號誦經如左

五拜禮 誦經起先行此禮

一拜。信天主。一概邪妄之事。俱棄絕。

二拜。望天主保佑。全赦我諸罪。

三拜。愛敬至尊至善之主。於萬有之上。

四拜。一心痛悔我之罪過。定心再不敢得罪於天主。

五拜。懇祈聖母。轉求天主。賜我善終恩佑。

聖號經

以十字。聖架號。天主。我等主。救我等。於我仇。因罷德肋。及費畧。及斯彼利多三多。名者。亞孟。

初行夫工

伏望吾主。我等功行。寵照先之。輔冀前進。使我凡諸禱者行者。常自主肇。又賴主訖。爲我等主。基利斯督。亞孟。

感謝經

感謝吾主天主。庇佑我一夜平善。幸不犯罪。賜我今日生命。復見所造。美麗諸物。浩大恩德。我今日求主

眞光照我神魂。指引我路。使我今日勿迷惑顛仆。不幸得罪。是顛仆於地。主速扶救我。俾知痛悔改過。專心憶主。賜我聖寵。恒存於心。我心已足。不圖外物。主原教我。毋聽淫聲。毋視邪色。毋道非禮之言。毋取非義之物。毋踐非禮之地。心毋妄思。意毋妄動。惟使我憶主愛主。至死恪遵規誡。 亞孟。

榮福經

皇皇聖三。又一非二。欽頌榮福。若今茲。若永遠。及無窮世之世。 亞孟。

天主經

在天我等父者。我等願爾名見聖。爾國臨格。爾旨承
行於地。如於天焉。我等望爾。今日與我。我日用糧。爾
免我債。如我亦免。負我債者。又不我許。陷於誘惑。乃
救我於凶惡。 亞孟。

聖母經

亞物瑪利亞。滿被額辣濟亞者。主與爾偕焉。女中爾
爲讚美。爾胎子耶穌。併爲讚美。天主聖母瑪利亞。爲
我等罪人。今祈天主。及我等死候。 亞孟。

又聖母經

申爾福。天主聖母。仁慈之母。我等之生命。我等之飴。我等之望。申爾福。旅茲下土。厄娃子孫。悲懇號爾。於此涕泣之谷。哀漣歎爾。嗚呼。祈我等之主保。聊亦迴目。憐視我衆。及此竄流期後。與我等見爾胎。普頌之子耶穌。吁其寬哉。仁哉。甘哉。卒世童貞瑪利亞。天主聖母。爲我等祈。以致我等。幸承基利斯督。所許洪錫。亞孟。

信經

我信全能者。天主罷德肋。化成天地。我信其惟一費
畧。耶穌基利斯督我等主。我信其因斯彼利多三多
降孕。生於瑪利亞之童身。我信其受難。於般雀比辣
多居官時。被釘十字架。死而乃瘞。我信其降地獄。第
三日自死者中復活。我信其升天。坐於全能者。天主
罷德肋之右。我信其日後。從彼而來。審判生死者。我
信斯彼利多三多。我信有聖而公。厄格勒西亞。諸聖
相通功。我信罪之赦。我信肉身之復活。我信常生。
亞孟。

解罪經

籲告吾主。全能天主。卒世童貞聖母瑪利亞。聖彌額爾。總領天神。聖若翰保弟斯大。聖伯多祿。聖保祿。一切天朝聖人聖女。及司鐸代天主位者。我今稽首。自訟自承。凡思言行。得罪至極。多能爲善。而未之爲。多能戒惡。而弗之戒。此罪之故。咸歸於我。天主臺前。痛心慘悔。我罪。心_拊我罪。心_拊告我大罪。心_拊望吾恩保聖母瑪利亞。望諸聖人。及諸聖女。爲祈吾主耶穌。赦我諸罪。今者昔者。解者忘者。自今而後。賜以聖寵。免我陷

惡。佑我行善。挈我升天。享無陷福。 亞孟。

悔罪經

至仁至慈者。天地大君。統一普生。無上真主。我重罪人。爲主所生。今因愛慕吾主。至切之情。超於萬物。衷誠深悔。以前種種罪惡。寧願失天下萬福。盡懼天下萬苦。不願稍獲罪於吾。至尊至善之主。以後決定。堅守主命。一切棄遠。陷罪之端。至死無敢復犯。敢望吾主。念聖子耶穌。旣爲我等罪人。甘心受難。贖我重罪。必允我所求。全然賜赦。佑改。恒守至死。獲享無限真

福。亞孟。

天主十誡

- 一。欽崇一天主。萬有之上。
- 二。毋呼天主名。以發虛誓。
- 三。守瞻禮之日。
- 四。孝敬父母。
- 五。毋殺人。
- 六。毋行邪淫。
- 七。毋偷盜。

八。毋妄證。

九。毋願他人妻。

十。毋貪他人財物。

右十誡總歸二者。愛天主萬有之上。及愛人如己。

聖教會四規

一。凡主日。暨諸瞻禮之日。宜與彌撒。

二。遵守聖教所定齋期。

三。解罪至少每年一次。

四。領聖體至少每年一次。

伏望全能者天主。憐恤我等。赦我等罪。導引我等。詣於常生。亞孟。

祈禱全能至仁天主。我等罪過。恕之。解之。赦之。亞孟。吾主今日賜保我等。無以犯罪。

吾主矜憐我等。矜憐我等。

吾主仁慈。乞施我等。如我等所望。

吾主俯聽我禱。而我號聲。希徹於主。

全能者吾主天主。賜我等。至有今日。主之大能。拯救我等。庶幾是日。絕無至僻於罪。思言行爲。恪奉主命。

爲我等主。基利斯督。亞孟。

天地大君。吾主天主。我等心身。百司言行。今日賜我
正之淑之。引之治之。俾率於聖教規誠工課。望主教
世者。自今迨於無窮。扶佑我等。以庶幸救。幸脫。乃生
乃王世世。亞孟。

天主天神。領守我者。惟上仁慈。託我於爾。今日賜我
照護引治。亞孟。

小悔罪經

天主耶穌。基利斯督。我重罪人。得罪於天主。而今爲

天主。又爲愛天主萬有之上。一心痛悔。我之罪過。定
心再不敢得罪於天主。望天主赦我之罪。 亞孟

信德經

吾主天主。爾至真實。不能虛言。爾又全知。不能舛錯。
我爲此信爾是真天主。一體三位。造世贖世。賞善罰
惡之大主宰。爾曾許聖教會內。聖神常在。訓誨啟迪。
是以永不能錯。所有各端道理。皆爾默啟。如爾親口
所言無異。我爲此堅心全信。我並願證此信德。雖被
萬死不辭。 亞孟。

望德經

吾主天主。爾至忠信。既許必踐。爾又全能。能踐所許。兼又極慈。肯賜所許。我爲此賴爾聖子之功。望爾全赦我罪。寵佑至終。獲登天國。永享見爾。如爾聖子所許。亞孟。

愛德經。

吾主天主。因爾從無生我。安養保存。頃刻無間。又降生救我。受難贖我。况爾本性自有無窮美善。可愛無比。爲此愛爾在萬有之上。及爲爾愛人如己。而愧悔

我罪。立志不敢再犯。 亞孟。

晚課 每晚將臥時拜天主誦聖號經五拜禮初行工夫

感謝吾主天主。庇佑我一日平善。幸不犯罪。賜我今夜生命。浩大恩德。我今求主。使我今夜勿迷惑顛仆。不幸得罪。是顛仆於地。主速扶救我。俾知痛悔改過。專心憶主。賜我聖寵。恒存於心。我心已足。不圖外物。主原教我。心毋忘思。意毋忘動。惟使我憶主愛主。至死恪遵規誡。 亞孟。

榮福經 天主經 聖母經 又聖母經

信經 解罪經 悔罪經 天主十誡

伏望全能者天主。憐恤我等。赦我等罪。導引我等。詣於常生。亞孟。

祈禱全能。至仁天主。我等罪過。恕之。解之。赦之。亞孟。
晝光未盡。祈造物主。以常仁慈。俯垂護佑。夜中邪夢。
惡像。祛逐絕遠。亦圍我仇。免穢我身。伏望全能者罷。
德肋。允錫所求。爲我等主耶穌。基利斯督。其偕爾。偕。
斯彼利多。三多。均生均王。世世。亞孟。
吾主收我寤者。保我寐者。以至寤者。幸偕耶穌寐者。

得享安靖。

吾主護佑我等。如目眸者。庇廕我等。於厥翼下。

吾主今夜賜保我等。無以犯罪。吾主矜憐我等。矜憐我等。廣施仁慈於我等。福庇神身。並獲安和。

懇祈吾主。照臨此室。仇讐萬計。從此遠軀。爾天神者。寓之。乃以安寧。保守我等。聖寵聖福。永錫我等。爲我等主。基利斯督。亞孟。

天主天神。領守我者。惟上仁慈。託我於爾。今夜賜我照護引治。亞孟。

伏惟全能。至仁天主。罷德肋。及費畧。及斯彼利多三
多。降福保全我衆。 亞孟。

誦右經畢。又須求聖母瑪利亞及諸
聖人。並諸天神。代祈天主。允賜所求。

每晚省察要式

一。奉謝天主。爲其從前所賜公恩。私恩。及當日之恩。
一。祈求天主。降我聖佑。賜我真光。令得識己罪。而深
惡之。

一。嚴求諸己。當日得罪天主。或以思。或以言。或以行。
或以缺。密審其習惡。而痛斷之。

一。伏乞天主。凡有所犯罪過。一切赦之。
一。決定以後。賴天主扶佑。必改諸惡。又立志以時解之。

省察畢 念天主經一遍 聖母經一遍

三鐘經 日出正午日沒三時全誦

一鐘

主之天神報瑪利亞。乃因聖神受孕。亞物瑪利亞。

云云

二鐘

主之婢女在茲。希惟致成於我。如爾之言。亞物瑪

利亞。云云

三鐘

且天主費畧。降生爲人。居我人間。亞物瑪利亞。

云云

請衆同禱。懇祈吾主。以爾聖寵。賦於我等靈魂。俾我
凡由天神之報。已知爾子耶穌降孕者。因其苦難。及
其十字聖架。幸迨於復生之榮福。亦爲是我等主。基
利斯督。亞孟。

凡諸信者靈魂。賴天主仁慈。息止安所。 亞孟。

飯前祝文

天主降福我等。暨所將受於主普施之惠。爲我等主
耶穌。基利斯督。 亞孟。

飯後祝文

全能者天主。所賜萬惠。我等感載稱頌。維生維王世
世。 亞孟。念天主經一遍

吾主聖名。欽頌榮福。自今而後。迄無窮世。 亞孟。
凡諸信者靈魂。賴天主仁慈。息止安所。 亞孟。

出門祝文

吾主。指我義路。示我正道。直引我步。率遵聖語。凡諸
匪義。無得暴我。

進堂祝文

吾主。我仰賴重重仁慈。今陟厥庭。伏拜於聖臺前。稱
頌主名。

點聖水經

吾主。以此聖水滌滅我罪。逆軀邪魔。拔除惡念。

灑聖水經

望吾主灑我。而我自潔。洗我而我自白。白於雪。

誦在天亞物各一遍

仰惟吾主。降福我等。保護於諸凶惡。導引詣於常生。
凡諸信者靈魂。賴天主仁慈。息止安所。 亞孟。

已完工夫

至仁至慈天主。懇念卒世童貞聖母瑪利亞。及諸聖
人聖女。祝禱勳勞。俯錄我等。僕隸微績。凡我所爲。或
可取者。惟愍視之。其有惰行。惟寬恕之。吾主天主。乃
生乃王世世。 亞孟。

五謝禮 誦經畢後行此禮

一謝天主。生養照顧之恩。

二謝天主。降生救贖之恩。

三謝天主。赦罪賜寵之恩。

四謝天主。賜我進教。引我升天之恩。

五謝天主。自生我等至今。無數之恩。

聖神降臨誦 諸事之先宜念此誦

伏求聖神降臨。從天射光。充滿我心。爾爲貧乏之恩。主。孤獨之父。靈性之光。憂者之慰。苦者之安。勞者之

息。涕者之樂。吾心之飴客也。

伏求聖神降臨。以潔心污。以灌心枯。以醫心疾。以柔心硬。以暖心寒。以迪心履。伏求聖神降臨也。

請衆同禱。以聖神之名。滿信者之心。天主者。賜我等聖神光輝。以長至智。以恒安樂。爲我等主。基利斯督。亞孟。

看書及行各工以後誦

瑪利亞聖寵之母。仁慈之母。護我等於仇敵。收我等於死候。榮歸於吾主。爾乃童女所生者。偕爾聖父聖神。及無窮之世。亞孟。

獻家庭於聖母誦

吁無玷童貞聖母。今將我等家庭。及凡在茲留住者。敬獻於爾聖台前。滿望我等之家庭。肖如納匝肋之聖家。以愛德之實行。及依賴天主照顧之真心。成和平福樂之居處。吁瑪利亞。求爾爲我等之模範。約束我等之思想之言行。并我等之全生。我等愛情之貢獻。本係至微。請爾聊收我等。善願之敬意。

亞物瑪利亞 云云 一遍

吁瑪利亞。無原罪之始胎。我等奔爾台前。爲我等祈

(三次) (二百天大赦)

奉獻中國於聖母誦

吁瑪利亞。天主之母。亦爲我等之母。今將我等神形。我等能力。我等生命。我等言行。我等所有。並中華全國人民。以孝愛之真情。全獻於爾。至甘至愛之聖心。求爾爲衆司鐸。及諸傳教者之母。使之皆以恒心熱愛。廣揚天主聖教。

又求爾爲教友之母。使之皆能日進於德。時見增廣。並求爾爲教外者之母。使之皆能出離暗冥。而得信德之光。

懇求憐視中國億兆人民。皆爾聖子聖血所贖。賴爾大功之轉求。賜之同歸耶穌聖心。以得生命聖德之源。而共成一牧一棧。

進教之佑。

爲我等祈。

瑪利亞聖寵之母。


爲我等祈。

在天中國之后。

爲我等祈。

每日一次三百日大赦。一月日念。月內行要功者。可得全赦一次。耶穌聖誕瞻禮。在中國不拘大小堂內。與分於公念此誦者。可得全赦。

2699A



我等奔爾臺前為我等祈



吁瑪利亞無原罪之始胎



祈等我為 后之和安